

劉文清公應制詩集

劉文清公應制詩集目錄

卷第一

古今體詩六十二首

恭和

御製題孫祐周鯤丁觀鵬同畫十八學士圖元韻

恭和

御製丁香花元韻

恭和

御製戲題投書澗元韻

恭和

御製梅花三疊元韻

恭和

御製三月晦日作元韻

恭和

御製平原行元韻

恭和

御製聞雞起舞元韻

恭和

御製示安徽學政劉墉元韻

恭和

御製甘露寺北軒用杜牧韻元韻

恭和

御製倪元鎮瘦石疎林元韻

恭和

御製顏魯公祠堂元韻

恭和

御製觀蘇州閭閻之盛不減昔年既以自慰兼成是

什元韻

恭和

御製恭奉

皇太后南巡啟蹕再疊前韻元韻

恭和

御製駐良鄉行宮疊舊作韻元韻

恭和

御製良鄉行宮奉

皇太后觀煙火即事得句元韻

恭和

御製弘恩寺元韻

恭和

御製紫泉行宮十詠元韻

敞軒

屏山

鏡湖

舫室

樓亭

虹橋

魚罾

石逕

竹埭

箭廳

恭和

御製上元前夕觀鐙火元韻

恭和

御製駐趙北口行宮即事元韻

恭和

御製題授經臺元韻

恭和

御製瀛洲南樓四疊沈佺期韻元韻

恭和

御製題毛公祠元韻

恭和

御製示總督方觀承及其屬吏元韻

恭和

御製紅杏園仍疊前韻元韻

恭和

御製御行營元韻

恭和

御製過德州運河即事元韻

恭和

御製駐蹕德州示山東大小吏疊舊作韻元韻

恭和

御製降旨免河南災地民借欠項因示胡寶泉元韻

恭和

御製靈巖寺西入石路仍用唐劉長卿韻二首元韻

恭和

御製駐蹕方山疊舊作韻元韻

恭和

御製降旨免山東被水州縣積欠詩以誌事元韻

恭和

御製閱本元韻

恭和

御製望蒙山雪色再疊舊韻元韻

恭和

御製鄭子園六韻元韻

恭和

御製三依

皇祖示江南大小諸吏韻元韻

恭和

御製金山再疊舊作韻二首元韻

恭和

御製遊金山三疊蘇東坡韻元韻

恭和

御製自金山放舟至焦山三疊蘇軾韻元韻

恭和

御製遊焦山作疊舊作韻元韻

恭和

御製反李白丁都護歌元韻

恭和

御製聽松菴竹鑪煎茶再疊舊韻二首元韻

恭和

御製汲惠泉烹竹鑪歌再疊舊作韻元韻

恭和

御製鄧尉香雪海歌再疊舊作韻元韻

恭和

御製虎邱寺三疊東坡韻元韻

恭和

御製觀海潮作歌元韻

恭和

御製靈隱寺用宋之問韻即效其體元韻

恭和

御製初遊龍井誌懷三十韻元韻

恭和

御製龍井上作元韻

恭和

御製賦得春雨如膏得逢字元韻

卷第二

古今體詩六十二首

恭和

御製題金廷標仿女史陳書畫冊疊舊題陳書畫韻

元韻十首

并引

古木修篁

蘿蔔霜菘

仙果珍禽

雜果

眠犬

蝴蝶鳳仙牡丹

怪石古柏

春溪水族

梅谿

花籃

恭和

御製何處生夏早二十首元韻

恭和

御製賦得崑山片玉得精字元韻

奉

勅詠太公鐘

恭和

御製賜江蘇學政劉墉元韻

恭和

御製葛嶺元韻

奉

勅題王翬雪江圖

恭和

御製耕藉禾詞元韻

恭和

御製仲春經筵有述元韻

奉

勅題趙孟堅落水蘭亭二首

恭和

御製賦得仙露明珠得秋字元韻

賜糖恭紀

恭和

御製題王翬雪江圖元韻

恭和

御製命彭元瑞曹文埴檢四庫全書見元孫者有幾
據奏自唐迄明凡六人詩以誌事元韻

恭和

御製上丁

釋奠後臨新建辟雍講學得近體四首元韻

恭和

御製千叟宴恭依

皇祖韻元韻

恭和

御製春仲經筵元韻

恭和

御製經筵畢文淵閣賜茶有作元韻

恭和

御製賦得蓬瀛不可望得秋字元韻

恭和

御製上元後一日小宴廷臣元韻二首

卷第三

古今體詩七十二首

恭和

御製五福堂對玉蘭花二十韻元韻

恭和

御製題文彭刻陋室銘章元韻

恭和

御製賦得周而不比得公字元韻

恭和

御製啟蹕至避暑山莊即事得句元韻

恭和

御製永佑寺瞻禮疊辛丑詩韻元韻

恭和

御製遊獅子園元韻

恭和

御製觀瀑元韻

恭和

御製蓮元韻二首

恭和

御製補詠安南戰圖六律元韻

嘉觀訶訖之戰

三異柱石之戰

壽昌江之戰

市球江之戰

富良江之戰

阮惠遣姪光顯入覲賜宴

恭和

御製書麟蘭第錫奏睢寧南岸隄工漫溢情形詩以

誌事元韻

恭和

御製永恬居素尚齋向皆各題茲爲二首一韻仍各書其室中元韻

恭和

御製創得齋元韻

恭和

御製重華宮茶宴用戡定安南封黎維祁爲國王功成聯句是日復得二律一韻元韻

恭和

御製日長一綫元韻

恭和

御製嘉平月朔開筆之作元韻

恭和

御製仲春朔日重華宮茶宴廷臣及內廷翰林等以
平定臺灣聯句並成四律元韻

御題賦得王道如龍首得龍字奉

勅作

恭和

御製重華宮茶宴廷臣及內廷翰林用洪範九五福
之二曰富聯句復成二律元韻

恭和

御製正定府隆興寺五疊前韻元韻

恭和

御製紫光閣宴外藩元韻

奉

勅作畫馬贊三首

掣電駢

籟雲駘

曦馭黃

恭和

御製重華宮茶宴廷臣及內廷翰林用洪範九五福
之三曰康寧聯句復成二律元韻

恭和

御製直隸總督梁肯堂奏乘時買補倉穀以資儲備
既紓傷農之歎復資遇歉之綱然非逢稔歲豈易
得哉詩以誌事益切惕乾元韻

恭和

御製雨

五月二十四日元韻

恭和

御製喜晴

六月初八日元韻

恭和

御製啟蹕幸避暑山莊元韻

恭和

御製過清河橋卽事雜詠疊去歲韻三首元韻

恭和

御製曉行元韻

恭和

御製出古北口作元韻

恭和

御製兩閒房行宮卽事元韻

恭和

御製至避暑山莊之作疊壬子韻元韻

恭和

御製永佑寺瞻禮疊昨歲韻元韻

恭和

御製寫心精舍元韻

恭和

御製題鑑始齋元韻

恭和

御製畱京王大臣奏報京城晴雨應時炎暑已退穀稼豐收詩以誌慰元韻

恭和

御製即事
七月初三日
元韻

恭和

御製立春日得句元韻

奉

勅題宋端研

恭和

御製題明臣史可法像卷子元韻

恭和

御製出古北口作元韻

恭和

御製山莊即事元韻

恭和

御製冬日至上書房元韻

恭和

御製新正重華宮茶宴廷臣及內廷翰林用平定苗
疆聯句復成二律元韻

乾隆六十一年嘉慶元年

恩預千叟宴恭紀十首

賜緬錦恭紀

劉文清公應制詩集目錄卷終

劉文清公應制詩集卷第一

古今體詩六十二首

恭和

御製題孫祐周鯤丁觀鵬同畫十八學士圖元韻

貞觀鴻圖蓋八瀛人才也復應時生早從天策收羣
畧豈必河汾聚列卿寫貌千年傳繪事懷賢此日見
皇情試看盤礴開生面一藝還憑衆力成

恭和

御製丁香花元韻

芙蓉城主有丁香瓔珞垂膺亦解禪結習未忘色色
在一庭春雨逗情緣

恭和

御製戲題投書澗元韻

志士勤趨聖所安息機遣累未為難早從
睿詠窺心要家問何妨一展看

恭和

御製梅花三疊元韻

題揚補
之畫

一疊試詠庾嶺頭梅花之藪聞名早炎方地氣發靈
奇草木於斯寄天巧雖無冰雪鬪清妍饒有雲霞相
映照若為移在上林中萬株芬馥瑤臺好物生得地
信有命位置從天那得曉此圖何似嶺梅多瘦墨幾
枝殊硬老况然忽憶山農詩獵北風吹不倒

再疊試詠吳越邦鄧尉西湖春正早不須翦綵作繁
葩自有天機出新巧鄧尉山黛可供妝西湖水鏡偏
宜照日以香雪海固佳咏入林逋詩更好世閒梅富
莫逾茲不別花人亦應曉此圖似寫兩鄉真姪姹風
姿閒蒼老上人果是何許人被惱禪心愁絕倒

三疊試詠

御苑春春比人間來獨早女姨著意遣花開花亦矜
妍競逞巧珊瑚碧樹周阿生萬點瑤光互相照誰言
北地冷非宜冷處難開開倍好松風竹露共一軒月
午煙昏更霜曉此圖香色
苑花如舒卷常新春不老能邀

天筆賦三章璿源萬斛看傾倒

恭和

御製三月晦日作元韻

綠雲深處鳥如談紅紫枝頭尚兩三一段韶光轉天
上幾分農事在江南銀塘水滿催浮鷁畫閣風輕護
飼蠶此日

翠華行處好

幾餘吟興得清甘

恭和

御製平原行元韻

平原公子敬愛客以茲名入俠客行不知養客竟何

好紛然喧闐門常盈尚非文酒樂談讌何況吐握輸
真誠東王西帝爭且讓朝橫暮從敗復成而客于此
少得利圖舖啜耳何堪評當時豈乏廊廟秀局外更
有巖穴英即如孔氏老孫子老眼已見將爲羸黃馘
稿項復幾輩遁跡遠去無名稱平原以是不累葉歌
鐘之地居人耕

恭和

御製聞雞起舞元韻

咄哉二士中夜起舞夜氣沈沈暗天宇汝爲我舞我
爲汝歌沈沈天宇當奈何握中有璧堅不磨他年與
爾同修戈嗚呼此意誠慷慨典午用人乖進退雍容

一旦來制之樓上清笳恨千載

恭和

御製示安徽學政劉墉元韻

久沐

恩如海新知士有林

天章榮捧璧雅化念追金勛以弓裘業愨然陶鑄心
賡歌慚里拙濡翰頌

高深

恭和

御製甘露寺北軒用杜牧韻元韻

憑高真作御風行俯仰江山有勝情正好逢春開繡

谷更宜當暑却桃笙平看楚岫連雲色下聽岷源到
海聲一自畱題增氣象光輝還賁昔人名

恭和

御製倪元鎮瘦石疎林元韻

黃葉無多半含霜峻嶒石骨森其旁凜不可畱誰倘
徉丹粉一洗三春芳有如結交多老蒼外枯中腴亦
何妨悠然一室淡發光深山木石親

虞唐

恭和

御製顏魯公祠堂元韻

勁骨曾聞鍊九原椒漿肅奠告祠存脫身本爲西京

重抗表猶明南內尊屢忤大奸伸浩氣誰招英魄入
修門千年魯國淵源在家廟遺碑費討論

恭和

御製觀蘇州閭閻之盛不減昔年既以慰懷兼成是

什元韻

殷富從知教養功由來

盛世屢年豐六巡久識

仁皇澤二鬴還勞

聖主衷

禹甸未妨田最下

堯民羣就日升東農歌漁唱徵康阜歲歲年年此日

同

恭和

御製恭奉

皇太后南巡啟蹕再疊前韻元韻

寰宇騰歡慶昨辛推

恩錫類福羣倫每從長至增

慈壽共向元正奉

帝巡山海梯航琛並集農田補助

命重申威行西北遐荒地澤溥東南望

幸民刻玉披圖嘉瑞應翁河喬嶽典文陳

龍舟穩泛桃花水

三才圖會卷一
五
鑿輅徐經麥隴春人爲展期翹仰切歲因轉稔物華
新

皇心早共

天心契星拱雲從送喜頻

恭和

御製駐良鄉行宮疊舊作韻元韻

四海春臺共樂胥

時巡無逸凜居諸版圖式廓要荒外風俗全登懷葛
初縣近

皇都程第一座收韶景憩

幾餘

慈雲光被歡迎早瞻仰紛填走巷居

恭和

御製良鄉行宮奉

皇太后觀煙火即事得句元韻

星雲糾縵映春宵南極光臨望不遙

行殿堯廚還視膳

時巡周禮更班朝
鐙連瑞靄輝同晝
樂接歡聲響振霄
知有瑤池仙獻壽
停空煙彩迴成橋

恭和

御製弘恩寺元韻

近畿經梵宇禪室憩來仍花木通幽徑
鐘魚悟上乘

對時春正好

即境慮還澄布化羣生遂

恩周法界宏

恭和

御製紫泉行宮十詠元韻

啟軒

皇覽春郊閱百城某山某水總知名此軒也似
行營啟樸斲裁教構數楹

屏山

屈戎何須開錦繡天然巖岫是屏風愛茲臨水三峯
矗易象當前山水蒙

鏡湖

試開清沼一奩涵
秋月春風岸北南
數頃何能喻
淵海偶同川
上有微談

舫室

占斷風光一水涯
三楹仍效舫形爲
昆池氣象茲難比
賞愜

隨安理寓斯

樓亭

蕭然風日淡
前坡萬縷如披鳳尾
娑作拂誰言慙薄
陋覆亭今見

翠華過

虹橋

吳江不見垂虹景此地虹垂景宛然喜得
宸章爲標舉那論米畫與流傳

魚罾

得魚沽酒自酬償誰識天機釣不綱濠上微言辨知
樂未窺
宸詠意深長

石逕

一逕縈紆杳無盡延風貯月興偏長
奎文山海崇深比隨境拈來爲闡揚

竹埭

數竿能使境清虛豈獨幽人分不疎靜籟窗前傳嶮
谷悠然古意契

幾餘

箭廳

挽強命中士如林共仰

唐弓九合臨蕭灑閒庭還肄武

武成常誌戎心

恭和

御製上元前夕觀燈火元韻

行春大澤沕淵泉同樂欣逢令節前月已騰輝霄漢
上雪仍表瑞麥田邊仙家七寶功成近佛國千鐙果

證圓武技待看呈健捷鏡光融處見精妍

恭和

御製駐趙北口行宮即事元韻

燕南趙北閒幾度

翠華莅鴈鴨穿垂楊昌黎詩可肄野水散漫流村煙
微茫遞民家生理資畫裏風光寄雙魚忽登盤河凍
已開未漾漾江湖寬好去得所置考牧兆豐年野獻徵
天意

恭和

御製題授經臺元韻

言詩北地最知名兼治仍推易意明可有絃歌通卦

象尚聞精悍在儒生高臺幾歲風煙古遺說何人蒼
藂精

聖詠常關經訓切懷賢撫景重含情

恭和

御製瀛州南樓四疊沈佺期韻元韻

古詩畱古譙古意在煙霄其詞足諷詠其人久寂寥
當年參侍從逸翻凌鷲樓前賦昆池壯綵雙虹橋
華實不相副年運忽已遙

恭和

懷古覽遺躅撫卷憐羣器一藝有不棄舊韻收清謠
御製題毛公祠元韻

人以治經傳遺祠想講筵絃絃歌真比屋蘋藻尚千年
閭井風猶古

茅茨駐亦便

懷賢畱

睿詠雲日在華箋

恭和

御製示總督方觀承及其屬吏元韻

皇鑒周大輿澤溥萬井田矧當畿輔近數郡繡壤連
翠華數經過事事屢思艱奉行在有司孰敢不勉旃
清蹕雖未歷

天顏咫尺焉

皇心念遐隱恐或罹饑寒在遠雖不遺未必如目前
眷言勵職守視此大道邊一夫苟不獲責在鞠謀人
譬彼歲功成箕畢風雨宣庶民協星好政平亦有然
宵旰減憂勞閭閻慶安全

恭和

御製紅杏園仍疊前韻元韻

昔年屢籌邊此地駐

翠輦握奇運

皇衷風雲護

宸館拓疆三萬里赫濯徹幽顯今來大澤敷繡野春
光展

三才圖會卷一
裁詩憶曩昨兢業非閒遣錫福本

天申

乘時體元善

恭和

御製御行營元韻

列聖宏規

帝所懷

法宮清蹕率循皆

虞巡禮器原崇儉

軒陳師兵更凜佳大野雲屯帷幙展吉行星拱羽旗排
褰旒正愜觀民意還向

幾餘適靜齋

恭和

御製過德州運河卽事元韻

萬家煙火此河津聯轡紛填待

駕人柳拂星旗晴有露花迎芝蓋暖無塵瞻依早覺

民情喜康乂還承

帝鑒親一水逶迤通上界流波知沐

聖恩頻

恭和

御製駐蹕德州示山東大小吏疊舊作韻元韻

時巡每念奠民居課吏還聞厪若予金木從來遞豐

歎室家好爲計盈虛分疆職以承流重布惠心應保
赤如趨覲

行宮環德水勤宣

德意敢忘諸

恭和

御製降旨免河南災地民借欠項因示胡寶泉元韻
農甿力穡事施功有次第先求種與牛此是田家例
二物不時得多稼末由致往往難稱貸坐看他家藝
皇恩久周浹借與有先計便令收後償所得固已劇
乃今竟豁免厚澤實深暨所期奉行善稽考在大吏
何以慰

皇衷鞠謀矢真意

恭和

御製靈巖寺西入石路仍用唐劉長卿韻二首元韻
春風吹古寺花雨長堦苔幡影日中靜磬聲雲外回
迤西傳曲徑

翠輦此頻來遙聽迦陵轉徐看優鉢開酌泉想龍獻
撫樹問僧栽却憶唐時客曾傾石上杯
山水此佳勝題詩好拂苔去年賁

宸詠絳氣久縈回畱與應真讀知從竺國來長卿詞
客秀古路昔遊開石自當時坐松更幾度栽
相光加被後清衆有浮杯

恭和

御製駐蹕方山壘舊作韻元韻

山殊南北類分符何處巖巒可寄娛各有煙雲標勝概須從耳目校靈區齊邦結秀非虛矣吳地藏奇得似乎一自

宸章爲題品絕勝盤礴繪雙圖

恭和

御製降旨免山東被水州縣積欠詩以誌事元韻

傳聞

聖駕來早知有補助去年雖被澇此際可寬慮惟有舊逋在應費餘粟布緩徵既荷

恩歡慶已盈路豈知盡豁免不復勞勉措正供有常
經奚容闕

國賦我

后父母心惟恐追呼遽夏諺喜頻歌

堯仁幸身遇

恭和

御製閱本元韻

題疏新從

蹕次開

鳳城春逐報函來

籌邊幾歲心勤止

輯瑞今茲典懋哉知有星雲隨

帝座還憑川嶽獻人材

幾餘摘藻徵乾惕古訓微言

聖詠該

恭和

御製望蒙山雪色再疊舊韻元韻

一山訝許色能同黛翠微參皓潔中
晃朗正宜海日照氤氳偏得嶽雲蒙
甘膏入地會先雨素質堆瓊不散
風雅勝終南陰嶺秀東方長養助田功

恭和

御製郊子園六韻元韻

春風扇

輦路郊子問遺墟典數紀官舊交論傾蓋餘

皇心重懷古民事厯咨子樸斲裁

臨止儉勤還

念諸陽和方茂對花鳥自相於

流詠關

垂訓憑將載筆書

恭和

御製三依

皇祖示江南大小諸吏韻元韻

仁皇撫區宇萬國效干楨文明被南邦課吏慎符剖

武文道兼用治化成悠久我

皇繩

祖武亶聰作元首

昊天付所覆爲民大父母稜威盡北荒膏澤浹南畝
南巡此再三吏職孰敢後

勗以厚閭閻乃無媿官守風俗期敦龐比屋書孝友
長此迓

鑿輿擊壤歌眉壽拜手誦

宸章深衷矢無負

恭和

御製金山再疊舊作韻二首元韻

江涵春影蘸螺青

玉座臨江俯衆形，渾似鷺飛宜唱林。
遙連鰲負定通靈，一叢樓閣排雲起。
四面帆檣繞檻停，瑞氣扶輿瞻駐蹕。
天花天樂破宵冥。

萬里波濤來蜀國，三春花鳥入吳天。
畧無洲接寧堪騎，可有形藏更得仙。
志乘然疑空往事，江山風月自流年。

登臨慰意緣豐樂，隔岸歡聲比戶連。

恭和

御製遊金山三疊蘇東坡韻元韻

遊於聖門難爲言，譬如觀水至於海南。
條衆水又推

江希聖由賢義斯在海門浮玉高坡陀軾也有句凌
江波後來作者出其裏正猶百瀆歸江多

萬乘來南艤蘭楫芝蓋春旗照春日江山如畫奉

宸遊晨旭滄涼晚霞赤憶軾吟詩振精魄筆力真堪
破溟黑豈知

天翰日星明天光下燭魚龍驚如海之深那可識以
宗以都儲萬物軾如江遠達三山江濤蓄洩藏靈頑
萬派朝宗不能已且學附庸入江水

恭和

御製自金山放舟至焦山三疊蘇軾韻元韻

崇巒傑屋爭耿耿聳立不傍岸北南從來奇勝必有

偶不羨縹緲虛傳三何人住此閱朝夕一二僧侶縛
春蠶江山如此不著句齋鹽送老能無慙法施財施
本無盡漸化蝸舍成潭潭已憑欄檻俯漾瀾更藉花
樹添清酣去華從質古所貴布金滿地人爭談第一
義諦聽

如語秉戒只合棲巖龕紛紛丹漆絢雲岫阿蘭那行
寧斯甘詩豪字逸各臻極愛山愛鶴高人貪韻畱石
泐荷

褒惜如斯寵重真難堪煌煌

天筆燦星斗永鎮裴宇輝焦菴

恭和

御製遊焦山作歌再疊舊作韻元韻

江平如地山似屋包蘊奇勝爲大腹金焦孰弟還孰
兄焦也恬惓無虛聲

知仁所樂者山水丹漆翬飛未須彼崇樓傑閣琳宮
起顧謂有爲法可止清風明月本無價鳥語花香鎮
如是

省方布惠逢昌辰民情樂矣

皇躬勤

幾餘適興在吟詠萬象隨筆收紛紜髣髴二士各標
格劔首一映歸

奎文梅蹊竹徑致窈窕步穿香雪排蒼雲遙瞻浮玉

秀相映風景要自堪平分此邦形勝昔割據左蠻右
觸誇雄吞豈知

一覽三萬里

義圖軒鏡超前聞

恭和

御製反李白丁都護歌元韻

鉅工集健兒當用幾丁昨有無於此遷財貨於此府
達江須鑿崖中梗石與土遠謀計其成衆志忘其苦
盛世民樂康前功

曠曩古始事不可非隨時慎修補實以厚閭閻因之
通商賈高岸何截業微徑纜丁取壤歌和棹歌歡聲

徹水滸

恭和

御製聽松菴竹鑪煎茶再疊舊韻二首元韻
玉輦頻經第二泉泉依

玉座試春煎山容屢賞王圖後水味深參陸品前年
穀順成時雨潤禪林清寂野僧眠

皇心即景蘄康阜意愜人和樂事全

竹鑪佳製稱名泉曾付幽人細細煎雅興自超聲色
外清風直溯古初前白雲滿塢傳松響紅雨平堦襯
鶴眠一自

奎章畱勝跡法流功德此中全

恭和

御製汲惠泉烹竹鑪歌再疊舊作韻元韻

銅腥鐵澀舊所聞瓦缶石銚仍區分那知妙用佐以
竹從來水竹原同羣况復山佳助泉勝通幽一徑尤
無塵山僧什襲舊詩畫忽發寶氣垂

星文頻遊愛此秀而野花氣濃入茶煙芬聲塵妙悟
聊即境折腳鐺裏非因陳由來山水蘊靈異故宜邱
壑高情敦茶經著後不寂莫宗風有嗣如傳薪但恐
山靈笑寒儉齋鹽蔬筍徒紛紛豈如春風扇

輦路春社洽比情孔云布德行惠順時令句芒太皞
方持權清明穀雨降甘澤一勺挹注天漿存更拈風

景綴

鴻藻如泉有本流長新見素抱璞此茶器味無味乃道所珍味無味乃道所珍飲和

福此昇平人

恭和

御製鄧尉香雪海歌再疊舊作韻元韻

分賓主句妙彼吾頻遊特似遊之初山限南北地皆勝海儲香雪名非誣償從志乘定甲乙安得色象超形模從來靈境貴闡奧欣瞻

玉蹕常縈紆山之南兮標舊賞山之北也開新途山靈一例具清供次第領畧無歧趨今年春風最窈窕

花態拔出冰霜餘三冬凜列入花骨特發奇秀供
宸娛譬如流水鍾爲湖瀕洞乃與常流殊而况混舍
至於海併力蓄聚能無需春雲篩雨衆香國花入三
昧枝頭疎結習未盡桃李闕莊嚴相好山水孤
天章爲發華海秘優鉢曇現光畱吳優鉢曇現光畱
吳拈花

聖諦如斯夫

恭和

御製虎邱寺三疊東坡韻元韻

吳山多着嫵幽峭有茲嶺舟行環雉堞竹樹帶閭井
一水極縈紆風物引光耿到來寺宏達塵響隔蛙鼃

巨石忽罅裂，劍氣破頑獷。稍前思往事，何日化彪猛。
闔廬能用民，有嗣更豪騁。如何麋鹿遊，達甬語酸哽。
空爲緇侶棲，喧寂變俄頃。仙語復鬼語，競作松風冷。
條然悟石軒，窅爾佛日永。一庭瘦玉筍，竦立逗寒景。
妙義不可聞，竹柏自搖影。
大聖轉法輪，語順人天請。

恭和

御製觀海潮作歌元韻

詞人但識觀濤奇

皇覽卽物窮其微，而況民生

計深至河海隄防本，同事元氣簸蕩蒸春三潮來億

萬笙鐘酣天風琅琅動旗影浪花高處春寒尖
鑾輿莅止緣籌海百靈祕怪走汗駭沙從

謨畫定時高消長之機知有待由來

聖世天地官坤輿總向指掌看

照臨如日盡日出看到蓬島風迴船環塘毗庶聞歡
聲幾回鼙鼓聯旬旬作塘已固慶安堵坐收秔稻連
茨京雲之油油甘澤瀉錯繡青畦試秧馬農歌遙和
竹枝新一片斜陽送潮下

天章肖物收靈奇萬象鼓舞歸

睿思潮來潮去自今古朝宗有象長東之

恭和

御製靈隱寺用宋之問韻即效其體元韻

梵宇得殊勝高禪寄閭寥詞人嘗過此筆力健於潮
不二法門寂長明鐙影飄虞初軼事在

覽古

聖情遙已贈生平密寧乖齒髮凋章成非待助年往
慣騰囂

慧照歸

宸詠迷津共識橋

恭和

御製初遊龍井誌懷三十韻元韻
言過風篁嶺奇勝不可數天開供

宸遊

擣藻瞻霞舉却思小隱人幽姿今弗覩詞翰答禪詮
豪麗叶清苦

謂當時邁勤民事念耕補豈伊賞巖泉而選此媚嫵
芹誠弗可虛物色爲判剖是惟曠奧兼距城十里許
緬昔勾漏令棲真傍險齧丹光乍明滅絳氣騰崖嶼
尚想此盤桓羽客慣接武又聞神物蟠臨川來禹步
頗能致雨澤餘潤到林楚遠溯赤烏年深潛不改所
仙翁何年去僧侶幾輩處靈泉一何深怪石一何巨
春風時淡蕩白雲自延佇煙霏那容畫天籟詎得譜
向來客遊人素心偕所與耳目寄放曠篇章競雕組

小乘禪寂靜老手句飛舞月團烹百片柏子燒一炷
貌焉緇素流亦號湖山主山靈念酸寒埽轍枝未俯
品題終有待一旦開遐阻天光荷照臨榮寵莫爲旅
禽聲正欣春花氣更馥午雨來珠霧噴風轉笙簧聚
興從象外超理以環中取
仁知洽天機淵然契邃古

恭和

御製龍井上作元韻

靈境此新闢瑞光紛漾漾風氣既含肅雲煙亦騰壯
仁風結琲瑠泉味資頤養坐來雨添瀑珠霧看噴放
地脈有蓄洩起伏幾尋丈巖壑信奇絕移晷舒曠望

即景

念崇高觀欽在上

恭和

御製賦得春雨如膏得逢字

湖上春偏好田閒雨快逢清塵方駐

輦灑野恰宜農瑟瑟泉鳴逗陰陰黛色重近邀苔上
砌遠助樹藏峯鏡面波還皺羣腰綠更濃竹雞啼霧
暗秧馬試泥鬆稻擬嘗時味山期沐後容
乘時均惠澤布化仰陶鎔

劉文清公應制詩集卷第一

杭州愛日軒陸貞一仿宋鐫